

魯山縣志卷二十

原任山東博山縣知縣偃師武億

同纂

魯山縣知縣餘杭董作棟

石志

碑

張處士樂山墓表

存

碑正書萬厯元年在城西南賀家樓

張貴重字尊爵魯山人也少讀書不成去爲商商倍得貲致富其後不爲商曰商市井人也惟利是競久之損吾心又去爲布政司吏吏多伎倆惟屑屑計身家且其道尙圓而喜智

張君顧謹厚學其術不得乃去而隱于農當是時出其貲可置田萬畝而張君不置也曰夫務廣地者非欲富乎地廣而三征隨之且勞且重吾費吾藏吾地於囊篋中富而逸蕩子以其富也誘之賭百計不能致曰傷吾財細故卽敗亡隨之矣居鄉謹常終日下鍵坐深入簡出一毫事不敢與聞隣里之貧者婚者喪者亟須而無以爲處者資君君未嘗不與也萬曆甲戌余與魯山賀君子順來京師應制舉賀君爲余道其人如此且曰張君子女翁也其室人郭氏先君死君哭之甚曰吾妻賢而治吾不復有吾妻矣竟不娶呂叔簡曰蓋善用老子者也夫老子寶嗇而重施君能予老子自好而用恩薄君子婦人義以君之才於商於吏無所不可也而卒不爲

商不爲吏嗟夫世之人爭進喜張直欲在一世人前步竟沒此生不知止而其利與名顧落一世人後皆張君之所笑者也余故表君以醒世云君號樂山生一子名行二女壻常樂道袁豐亨俱庠生君卒于萬厯癸酉以正德辛巳生年五十有三其葬爲今年八月十九日其地在邑之西南其祔以郭氏行幼未能負荷父業今經紀其家者養子權也權幹而義張氏賴之寧陵進士李坤記

按察司兵備副使燕公墓碑

存

碑正書萬厯五年立在白象店後

缺

蒙擢山西按察司兵備副使分署潞安郡踰年丙子公邁

疾卒于官擇丁丑冬十二月初二日安葬缺將樹之隧側垂

不朽焉嗟乎公果亡矣往因公江藩之行嘗餞送二十里外

戀戀不忍分袂臨岐數缺別號也高曾以上世爲絳州人大

父廣客于魯山尋卜居系籍父諱舉號仁菴以行誼重于鄉

母張缺指揮僉事公丰神俊明資性更穎慧爲諸生時力謝

俗囂於元帝廟中營一小室集子史百家靜坐缺課業率推

公作典暢精膩而體裁之妙或以爲得之蘓眉山也故士之

同志者咸視公爲儀准嘉靖缺繼惟公始破天荒大愜士望

焉比注選相公高中元氏識公之才終當大用特授公行人

司行人奉缺蓋禮將禪又遭封君喪毀次頻仍歷年五而後

釋吉起復前秩旋改山東道御史巡視京城持法頗缺可于

是公奉

缺

守計是歲秋酋帥黃台吉恃其部落梟雄突入邊

牆四掠幸賴我師有備隨引去然啣枚之士緣格

缺

乃親行

村落訪問創傷因盡得其實遂抗疏論劾各抵之法時稱爲

真御史邊烽旣息公以勞瘁乞

缺

若神明卽趙清獻無讓也

由是公之才望益爲

缺

壯國威故簡士練將信賞必罰而事

不辭難居無寧日且文牒之旁午手自應酬獄情之微曖親

爲

缺

時萬厯四年丙子五月十四日也距所生嘉靖庚寅三

月十一日享年四十有七夫公才足以輔世

缺

忠義炳乎疏

草懿行藹乎鄉評而餘慶之貽于子姓者又將無窮也斯固

天之所以壽公者歟公之

缺

生胡有春次適庠生袁三鳳次

在室許聘予兒承芳銘曰公也憲臣偉哉人傑孝以承家

缺

擊豪強所懲貪墨諫草飛霜爭光日月名世之才經邦之烈  
起自賢科終于晉泉

案碑稱儒宦行人司行人明史選舉志進士授官有此然  
儒宦以胥帥黃台吉突入邊牆四掠因親行村落訪問創  
傷盡得其實遂抗疏論劾各抵之法時稱爲真御史而儒  
宦竟不附于明史殆缺錄也

山西口源縣教諭肅齋賈先生墓表銘

存

碑正書萬曆十年立在城東南郭家庄賈氏塋

文林郎知陝西安化縣事邑人蓬山趙友禮撰文

口仕郎兩淮運司經歷邑人東渠李進口

將仕郎四川資縣主簿邑人柳溪江□□篆額

肅齋賈先生壽八十有二于萬厯九年辛巳十一月二十二日卒于正寢其子□□卜萬厯十年壬午三月十二日歸□于縣東南青楊湖□□狀請銘于予予惟賈氏吾邑之巨族且人文□□也其先洛陽人蓋漢賈誼之流裔焉乃後相繼有諱元鼎者□元招討使我明北征避于魯山因家焉俗傳賈萬戶者是也元鼎生成器宇凝重服膺善行以賢良被徵任山東□水縣令居官克謹卓有賢聲後宗譜失傳有諱□者有諱振者皆其近祖也忠三子長曰欽□□學登成化丁未進士厯官山西按察司僉事次曰鉉次曰鏞俱隱德薦鄉飲欽子二長曰□□次曰文光曹縣主簿鉉子二長曰文

晁藍田教諭次曰□午卒□子二長曰騰陰陽訓術次曰寶鄉飲大賓文光子□□俊明文冕子□□□□□□□□  
□吏寶子章歲貢生俊彥子蔚然廩生□將□□生子鳴謙益謙俱庠生□望所屬彬彬衿袖稱開家焉□狀先生父諱福□□□□□公爲堂兄弟忠厚質直恤貧植弱隣人貸粟者五□□時值荒歉焚券不取縣侯聞而嘉之請賓飲于黌宮生子四長曰仁先卒次卽□□□□歲貢生亦卒次曰文整亦卒先生諱文卿字廷相別號肅齋幼承庭訓博覽羣書尤精舉子業人以遠大期之然隄於□□□□而□□□□者□終迷五色之嘆至嘉靖壬子應試爲侍母疾□□□□上左右侍養湯藥必親及□喪骨立哀毀

粥寢苦不盥不□□不絕聲□□□輒涕孺慕不已絕意  
仕進越數載屢有勸先生仕者□□□選授陝西咸寧分教  
春風化雨桃李成蹊登鄉試科者有朱筠□□□□□  
□□□□繼祖邢鳳毛之俊彥森森濟□用贊皇猷皆先生  
教育之力也當路以課最□考遷山西清□□□□志  
節不苟名利涖任未滿拂然勇退其亦知足不辱知止不殆  
者□□□□□□□德性溫恭孝于父母友于兄弟□□  
□心從厚□□□輒加□有濟貧持危之心無面諛背讒之  
言且厭世態炎涼爰約□鄉結社□□□□□二十  
年藹然有香山洛社之遺風焉□□□皆其長□之□根□  
天性不事□□真足以振頽風而敦薄俗□又迺出流輩□

□□□□□□□□□□鄒氏繼娶谷氏生子琰娶高氏琯  
娶郭氏女一適彭予仙孫□八孫女六乾亨娶楊氏謙亨娶  
燕氏繼袁氏庠生泰亨娶□□□□廩生□□□□□  
次適楊子宗渭珩出宜亨□娶胡氏女適黃子自□琰出坤  
亨娶潘氏利亨順亨元亨女三俱穉琯出曾孫七長曰三躍  
娶安氏□□□□□□□□子振紀餘幼元孫男一元  
□□□□振紀繩且繁且芳行將繼先世之業策勲□廟以  
擴先生永廣之志浸□□□也先生雖逝矣其□猶生也哉  
予素在世講且□會末故知先生爲最詳不忍使先生□□  
□□□□□□□□其始終以銘之

銘曰嗟嗟先生天□賢良振鐸秦晉英俊昂昂孝友任恤誼

重鄉邦鳳毛麟角呈瑞呈祥光前裕後盛傳美彰天保定爾  
純嘏其常

萬曆十年歲壬午季春吉日 孝子賈玗賈璣賈珩  
案碑無可推證惟載賈氏占籍始末特詳賈氏縣世族也  
支裔今尚繁衍無亦俾其系代無傳于後使有隱戚焉  
明遼府紀善霞山江公墓表銘

存

碑正書萬曆十五年三月立在縣南關江氏塋

賜進士第南戶部口西清吏司主事邑人義齋賀一孝撰  
邑城口南僅里許有松楸蓊鬱成林者霞山江公墓所也公  
葬於嘉靖三十五年仲冬念六日至是仲子敦乃懇予爲之

表銘且曰孤不肖愧無以報先德寧忍以忘先德哉□□之言期垂不朽按公諱文華字公蘊別號霞山江姓世系遠不可辨元季之末諱如禮者始自唐縣桐河遷居于魯如禮生滔滔生義義生漢以明經領京闈魁薦漢生貫以耆壽官帶貫生友鏞以隱德賓于鄉友鏞生璘以文學應歲貢霞山公璘之冢嗣也風度端凝資性樸直動必顧義與人耻爲□言媚態嘗習舉子業厲志堅苦途次往返亦默誦不輟久之忽豁然有悟充然有得蓋所謂鬼神通之也學旣大進會文坊理輒取高等聲望隆隆起焉然士固有命竟不售于場屋公亦安之嘉靖五年應歲貢卒業成均尋授遼府紀善時遼王嗣服冲年惑於儉壬率違禮制公每導之以親賢□善格守

宗藩懿訓王雅一重公雖不之聽終不見忤居荆十餘年慮王之驕恐將敗因力請歸未幾王果以罪削爵官僚悉以罪罷此固公之哲於知先審于去就也公善經理財用平生自奉甚薄以是居積致富每曰儒者以治生爲先務而克勤克儉可無貧患矣諸子咸遵其教並底於成長敏由例貢任清源縣簿次敦由歲貢任平遙縣訓次卽敦由例貢任資縣簿皆出自儒人彭氏次敕遼府禮生出自側室王氏女長適庠生徐來庭次適庠生口普次適張卜孫男有十曰沛然浩然斐然之流之波之泳之瀾之濯之澗之津孫女六長適庠生師訓次適庠生劉培植次適口生張亦僱次適監生楊宗洛次適李如玉次適郭鵬舉曾孫十有九曰梗欝棹梧梯樸桐棹

擦儼標榆楫櫓倫口傑位俸雲仍玉立可繼可傳江之族其  
寢昌碩矣若開先積慶實本之霞山公是奚可忘耶公卒于  
嘉靖三十五年八月二十一日距所生成化十二年十月初  
三日得壽八十歲予昔垂髫時嘗辱公器許今又口仲子之  
交于誼弗可辭也敬爲之銘云學非不醇也而董相膠西才  
非不足也而賈傳興悲嗟嗟江公達命見幾斯其壽考之宜  
萬曆十五年歲次丁亥三月旣望立石

案碑載文華嘉靖五年應歲貢卒業成均尋授遼府紀善  
時遼王嗣服冲年惑于儉壬考此遼王蓋爲憲燁莊庶一  
子嘉靖十九年襲封本傳載嘉靖十六年致格薨子憲燁  
嗣以奉道爲世宗所寵賜號清微忠教真人予金印隆慶

元年御史陳省劾憲熾諸不法事詔奪真人號及印明年  
御史劾光先復劾其大罪十三命刑部侍郎洪朝選往勘  
具得其淫虐僭擬諸罪狀帝以憲熾宜誅念宗親免死廢  
爲庶人銅高牆卽碑云王果以罪削爵是其事也遼王以  
諸王世表証之簡王植永樂二年遷荊州府故碑云文華  
居荊十餘年以此王府設官紀善所紀善二人正八品文  
華以歲貢肄業例滿選授得之有明坐監得官尙可見也  
魯山縣新置學田記

存

碑正書萬曆二十年立在儒學大門內

賜進士第山東按察司副使前兵科右給事中汝郡口東

張維新撰

金陵居敬羅公蒞邑之三年凡興學□□脩舉無餘弟子員業彬彬樂樸棧學以外且蒸然變也客歲民有爭佃田者公理論已各泣數行下曰吾所爲周人耻奈何請以地爲虞芮田惟明公莫禦也公曰捐若直而曠之無益也乃出俸若干銖償之隸其田爲學田卽以券付三廣文廣文走使徵不佞記竊惟田養而學教也田以學名養而教也鮑金讓而後責天下以廉范麥周而後課天下以孝王道先養豈迂也哉茲田也學有裨矣學其有興耶公諱應辰家世江以西占籍太平之蕪湖牒出念菴先生者維時丞王君登雲尉周君穩幕祝君良柱皆樂觀厥成者也因併書之

魯山縣儒學教諭王世宗

曹模

訓導朱好仁 生員常載道 立石

魏世臣 李思睿

梁心傳 立石

萬厯壬辰歲孟春吉

案碑稱羅應辰爲金陵羅公又云家世江以西占籍太平

之蕪湖依義推之蓋應辰其先居江西後乃占籍於蕪湖

考晉地里志以廬江九江自合肥以北至壽春皆謂之江

西若碑所指蓋謂南昌爲江西臨文之疎不致審覈故也

維新見天下郡國利病書云字憲周萬厯丁丑進士授冠

縣知縣以卓異拜給事中厯禮兵二科遷天津兵備副使